

ქ. თბილისი

30 დეკემბერი, 2020 წელი

ხელშეკრულების დამდები მხარეები

ერთის მხრივ სსიპ „შემოსავლების სამსახური“ სამსახურის ფინანსური დეპარტამენტის უფროსის მიხეილ ახვლედიანის სახით (შემდგომში „შემსყიდველი“) იურიდიული მისამართი ქ. თბილისი, გორგასლის ქ. №16, ს/კ № 204525585, სახელმწიფო ხაზინა, კოდი # TRESGE22, ანგარიში/სახაზინო კოდი 7070
(ორგანიზაციის დასახელება, იურიდიული მისამართი და საბანკო რეკვიზიტები)

და მეორეს მხრივ შპს „საინფორმაციო კომუნიკაციების სისტემები“ (შემდგომში მიმწოდებელი) მისი დირექტორის ნინო მენთეშაშვილის სახით, იურიდიული მისამართი: ქ. თბილისი, ალ. ყაზბეგის გამზ., N9ა; ტელეფონის ნომერი: 291-02-20, 599 58 78 06; ს/კ: 204885810, ს.ს „თიბისი ბანკი“, კოდი TBCBGE22, ა/ა GE47TB0600000022467240
(ორგანიზაციის დასახელება, იურიდიული მისამართი და საბანკო რეკვიზიტები)

1. ხელშეკრულების ღირებულება

შემსყიდველმა, სსიპ შემოსავლების სამსახურმა, მომსახურების საფასურიდან მიღებული სახსრებით გამოაცხადა ელექტრონული ტენდერი საფოსტო და საკურიერო მომსახურებების (64100000 - საფოსტო და საკურიერო მომსახურებები) შესყიდვაზე ელექტრონული ტენდერი აუქციონის გარეშე (სატენდერო განცხადების №NAT200017752) და ტენდერის შედეგად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება 245 332.00 (ორას ორმოცდახუთი ათას სამას ოცდათორმეტი ლარი და 00 თეთრი) ლარად (შემდგომში ხელშეკრულების ღირებულება).

2. ხელშეკრულების შესრულების კონტროლი

- 2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.
- 2.2. ხელშეკრულების მიმდინარეობის კონტროლის მიზანს წარმოადგენს:
 - 2.2.1. მომსახურების მიწოდების ვადების ხელშეკრულების მოთხოვნებთან შესაბამისობის დადგენა;
 - 2.2.2. შესაბამისი შემთხვევების აქტის საფუძველზე მიწოდებული მომსახურების ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა ინსპექტირების აქტის გაფორმება.
 - 2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.
- 2.3. ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფი.

3. შესყიდვის ობიექტის მახასიათებლები

- 3.1 სსიპ - შემოსავლების სამსახურის მიერ საფოსტო-საკურიერო მომსახურების შესყიდვა, რაც გულისხმობს სამსახურის მიერ, როგორც ქვეყნის შიგნით ასევე ქვეყნის გარეთ სხვადასხვა სახის და ფორმატის ოფიციალური შეტყობინებების გაგზავნის/ჩაბარების მომსახურებას, დანართი N1-ში მითითებული ღირებულებების შესაბამისად;
- 3.2 მიმწოდებელმა უნდა უზრუნველყოს სხვადასხვა სახის კორესპონდენციის წამოღება სსიპ შემოსავლების სამსახურის დაქვემდებარებაში არსებული სტრუქტურული ერთეულებიდან მთელი ქვეყნის მასშტაბით, საბაჟო გამშვებ პუნქტებიდან, გაფორმების ეკონომიკურ ზონებიდან, მომსახურების სერვის ცენტრებიდან და სხვადასხვა ადმინისტრაციულ შენობებიდან და უზრუნველყოს მათი გაგზავნა/ჩაბარება როგორც ქვეყნის შიგნით ასევე ქვეყნის გარეთ.
- 3.3 საფოსტო გზავნილის ადრესატისათვის ჩაბარების ვადის ათვლა უნდა დაიწყოს მომდევნო სამუშაო დღიდან, გარდა 12/12 ექსპრეს მომსახურებისა.
- 3.4 12/12 ექსპრეს მომსახურება - მხოლოდ ადგილობრივი წერილობითი კორესპონდენციის ადრესატისათვის ჩაბარება 12/12 პრინციპით (გულისხმობს 12:00 სთ.- მდე კურიერისთვის ჩაბარებული გზავნილის მიტანას იმავე დღეს, ხოლო 12:00 სთ.-ის შემდეგ კურიერისთვის ჩაბარებული გზავნილის მიტანას მეორე დღეს) - ხორციელდება მხოლოდ ერთი და იმავე ადმინისტრაციული ერთეულის ფარგლებში;
- 3.5 მოთხოვნის შემთხვევაში მიმწოდებელმა უნდა უზრუნველყოს ინფორმაციის გაცემა ელექტრონულად, საფოსტო მომსახურების განხორციელების ფაქტის დადასტურების შესახებ;
- 3.5 მოთხოვნის შემთხვევაში მიმწოდებელმა უნდა უზრუნველყოს სხვადასხვა სახის კორესპონდენციის კონკრეტულად ადრესატისთვის ჩაბარება;

3.6 შესაძლებელი უნდა იყოს ქვეყნის ტერიტორიის დატოვებამდე შემსყიდველის მიერ გზავნილის გაგზავნაზე უარის თქმა;

3.7 თუ მიმწოდებელი ვერ განახორციელებს გზავნილის ჩაბარებას მიმღების/ადრესატის მიერ გზავნილის მიღებაზე უარის განცხადების გამო, ან არასწორია/არასრულია მისამართი, ან მიმღების/ადრესატის მონაცემები არასწორია, ან ადრესატი ვერ მოიძებნა, გზავნილი უკან ბრუნდება აღნიშნული ტექნიკური დოკუმენტაციით განსაზღვრული მიწოდების ვადების განმავლობაში.

3.8 იმ შემთხვევაში, თუ გზავნილის ადრესატისათვის ჩაბარება ვერ ხორციელდება დადგენილ ვადაში, მიმწოდებელმა დაუყოვნებლივ უნდა უზრუნველყოს შემსყიდველისთვის აღნიშნული გარემოების შეტყობინება, ელექტრონული პროგრამის საშუალებით.

3.9 მიმწოდებელმა უნდა უზრუნველყოს შემსყიდველისთვის შესაბამისი პროგრამული უზრუნველყოფის მიწოდება, ინსტალაცია და პირველადი გაშვება, რომლის საშუალებითაც შემსყიდველისთვის შესაძლებელი იქნება ადგილობრივი გზავნილების ონლაინ რეჟიმში თვალყურის დევნება, გზავნილის ნებისმიერი მოძრაობის სტატუსის და მიმწოდებლის მიერ გაგზავნილი საფოსტო გზავნილების რაოდენობის ნახვა გზავნილების სახეობების შესაბამისად. ხოლო, საერთაშორისო გზავნილების ონლაინ რეჟიმში თვალყურის დევნება, გზავნილის ნებისმიერი მოძრაობის სტატუსის და მიმწოდებლის მიერ გაგზავნილი საფოსტო გზავნილების რაოდენობის ნახვა გზავნილების სახეობების შესაბამისად, მომსახურება უნდა განხორციელდეს ვებ. გვერდის (ვებ.სერვისის) საშუალებით. ასევე, ხელშეკრულების ნებისმიერ ეტაპზე პროგრამული ხარვეზის არსებობის შემთხვევაში მისი გამოსწორება დაუყოვნებლივ. აღნიშნულ სისტემაში მოცემული ინფორმაციის სისწორეზე პასუხისმგებელი იქნება მიმწოდებელი; პროგრამული უზრუნველყოფის საშუალებით ინფორმაციაზე წვდომა უნდა გააჩნდეს მხოლოდ შემსყიდველ და მიმწოდებელ ორგანიზაციებს.

3.10 შემსყიდველის მიერ მიმწოდებლისთვის საფოსტო გზავნილის გადაცემის დროს მიმწოდებელი ვალდებულია გზავნილს მიანიჭოს უნიკალური კოდი ან/და შტრიხკოდი, რომლის საშუალებითაც შემსყიდველისთვის შესაძლებელი იქნება გზავნილის ასახვა ზემოაღნიშნულ პროგრამაში. შემსყიდველის მხრიდან მიმწოდებლისთვის გზავნილის გადაცემა დასტურდება შესაბამისი აქტით;

3.11 მიმწოდებელმა გზავნილის ადრესატისთვის ჩაბარების დროს უნდა შეადგინოს ჩაბარების დამადასტურებელი მატერიალური ან/და ელექტრონული დოკუმენტი, რომელიც დადასტურებული იქნება ადრესატის ხელმოწერით.

3.12 მიმწოდებელმა უნდა მოახდინოს საგადასახადო მოთხოვნების (დიდი რაოდენობის) სპეციფიკურ რეჟიმში გაგზავნა (პიბრიდული წერილები);

3.13 შემსყიდველის მოთხოვნის შემთხვევაში მიმწოდებელმა უნდა უზრუნველყოს რეესტრების კორექტირების ან გზავნილის ჩაუბარებლად უკან დაბრუნების შესაძლებლობა.

3.14 მიმწოდებელმა უნდა უზრუნველყოს შემსყიდველისაგან ინფორმაციის ელექტრონულად მიღება, ვებ სერვისის საშუალებით, აღნიშნული სერვისის თავად უნდა ააწიოს მიმწოდებელმა.

4. მომსახურების განვების პირობები

4.1 მომსახურების განვება უნდა განხორციელდეს 2021 წლის 1 იანვრიდან 2021 წლის 31 დეკემბრის ჩათვლით.

4.2 მიმწოდებელი ვალდებულია შემსყიდველისგან საფოსტო გზავნილების მიღების მიზნით გამოცხადდეს აღნიშნული ობიექტებზე ყოველ სამუშაო დღეს (წინასწარ განსაზღვრულ საათებში ან მოთხოვნისამებრ);

4.3 გზავნილის ადრესატისათვის მიტანა/ჩაბარება უნდა განხორციელდეს მიმწოდებლის მიერ შემსყიდველისაგან გზავნილის ჩაბარებიდან:

ა) თბილისში 3 დღის ვადაში, ხოლო რეგიონებში - 2-5 დღეში;

ბ) ევროპის ქვეყნებში – 15 სამუშაო დღეში;

გ) ამერიკაში – 20 სამუშაო დღეში;

დ) დსთ-ს ქვეყნებში – 15 სამუშაო დღეში;

ე) სხვა დანარჩენ ქვეყნებში – 20 სამუშაო დღეში.

4.4 ჩაუბარებელი კორესპონდენციის გამგზავნთან, შემსყიდველთან, დაბრუნება განხორციელდება 7 დღის ვადაში

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად განწეული მომსახურების და ამ მომსახურების შესახებ წარმოდგენილი დეტალურად განწერილი ცხრილის შესაბამისად.

5.2. იმ შემთხვევაში თუ, განწეული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს განწეული მომსახურების მიღებას, ხოლო თუ, მომსახურების პროცესში გამოვლინდება, რომ იგი არ აკმაყოფილებს ხელშეკრულებით გათვალისწინებულ მოთხოვნებს შემსყიდველს უფლება აქვს არ მიიღოს და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.

- 5.3. იმ შემთხვევაში თუ ხელშეკრულებით განსაზღვრული პირობების საფუძველზე არ განხორციელდა მომსახურების მიღება, მიმწოდებელი ვალდებულია 1 (ერთი) დღის ვადაში უზრუნველყოს ხარვეზის აღმოფხვრა და მომსახურების სრულყოფილი შესრულება, ხოლო აღნიშნული ვადის გასვლის შემდეგ მიმწოდებელს დაეკისრება პირგასამტეხლო ხელშეკრულების 13.1. პუნქტით გათვალისწინებული პირობების შესაბამისად.
- 5.4 მიმწოდებელმა შემსყიდველს უნდა წარუდგინოს მომსახურების მიწოდებისას მიღება-ჩაბარების აქტი და საგადასახადო ანგარიშფაქტურა.
- 5.5 მიღება-ჩაბარების აქტების ხელმოწერაზე უფლებამოსილი პირებია სსიპ „შემოსავლების სამსახურის“-ს ფინანსური დეპარტამენტის უფროსის მოადგილე.

6. ანგარიშსწორება

- 6.1. ანგარიშსწორება მიმწოდებელთან განხორციელდება ყოველთვიურად, ლარში, უნაღდო ანგარიშსწორების ფორმით, მიმწოდებლის მიერ ფაქტობრივად გაწეული მომსახურების ღირებულების შესაბამისად.
- 6.2. ანგარიშსწორება განხორციელდება მიმწოდებლის საბანკო რეკვიზიტებზე.
- 6.3. ანგარიშსწორება მიმწოდებელთან განხორციელდება ხელშეკრულების შესაბამისად გაფორმებული ინსპექტირების აქტის, მიღება-ჩაბარების აქტის და საგადასახადო ანგარიშფაქტურის საფუძველზე (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა საგადასახადო ინსპექციიდან) არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

- 7.1. „მიმწოდებელი“ ვალდებულია:
- 7.1.1. გაუწიოს „შემსყიდველს“ სრულყოფილი მომსახურება;
- 7.1.2. „შემსყიდველს“ გაუწიოს მომსახურება ხელშეკრულების პირობების შესაბამისად და უზრუნველყოს თანხლები დოკუმენტაციის წარდგენა;
- 7.1.3. უზრუნველყოს ხარვეზის გამოსწორება 1(ერთი) დღის ვადაში;
- 7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2. „შემსყიდველი“ ვალდებულია:
- 7.2.1. უზრუნველყოს „მიმწოდებლის“ დროული და სრული დაფინანსება;
- 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

- 8.1. „მიმწოდებელს“ უფლება აქვს:
- 8.1.1. ხელშეკრულების ფარგლებში მოითხოვოს დროული და სრული დაფინანსება.
- 8.2. „შემსყიდველს“ უფლება აქვს:
- 8.2.1. აწარმოოს განეული მომსახურების ხარისხისა და რაოდენობის კონტროლი;
- 8.2.2. განაცხადოს უარი უხარისხო მომსახურების მიღებაზე.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჭარიმო სანქციების გამოყენებას;
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დანესებით, საბიუჯეტო ასიგნების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი რაოდენობისა და ხარისხის მომსახურების მიწოდება, მიმწოდებელს დაეკისრება პირსაგამტეხლო შეუსრულებელი ვალდებულების ღირებულების 0,15%-ის ოდენობით ყოველ ვადაგადაცილებულ დღეზე.

13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.2%-ს, მეორე მხარეს უფლება აქვს შეწყვიტოს ხელშეკრულება.

13.3. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,15% ყოველ ვადაგადაცილებულ დღეზე.

13.4. იმ შემთხვევაში თუ მიმწოდებლის მხრიდან დარღვეული იქნება წინამდებარე ხელშეკრულების 7.1.3 პუნქტით განსაზღვრული ვადა, მიმწოდებელს დაეკისრება პირგასამტეხლო მთლიანი სახელშეკრულებო ღირებულების 0,15%-ის ოდენობით ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. სახელმწიფო შესყიდვების შესახებ ხელშეკრულების შესრულების უზრუნველყოფა

15.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, მიმწოდებლის მიერ წარმოდგენილია ხელშეკრულების შესრულების უზრუნველყოფის უპირობო გამოუთხოვადი საბანკო გარანტია N BG/PB - 7784/12 გაცემული სს „სადაზღვევო კომპანია ალდაგი“-ს მიერ **24 533.20 (ოცდაოთხი ათას ხუთას ოცდაცამეტი ლარი და 20 თეთრი)** ლარის უზრუნველსაყოფად.

15.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების საბანკო გარანტიის მოქმედების პერიოდში მიმართოს გარანტიის გამცემ ორგანოს (გარანტს) და მოითხოვოს ხელშეკრულების შესრულების საბანკო გარანტიით გათვალისწინებული თანხა.

15.3. მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია მინიმუმ 30 კალენდარული დღით აღემატება ხელშეკრულების მოქმედების ვადას.

15.4. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი მიღება-ჩაბარების აქტის გაფორმებიდან 1 თვის ვადაში მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების საბანკო გარანტიის დაბრუნებას.

15.5. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი მიმწოდებლის მოთხოვნისთანავე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედებს 2022 წლის 31 იანვრის ჩათვლით, მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

„შემსყიდველი“

სსიპ „შემოსავლების სამსახური“

„მიმწოდებელი“

შპს „საინფორმაციო კომუნიკაციების სისტემები“

მიხეილ ახვლედიანი

ფინანსური დეპარტამენტის უფროსი

ნინო მენთეშაშვილი

დირექტორი

ადგილობრივი გზავნილების გაგზავნის ტარიფები(დღგ-ს ჩათვლით)					
წერილობითი კორესპონდენციის სახეობა	კონკრეტული სახე	წონა (კგ-ში)	რაოდენობა	ერთეულის ფასი	მთლიანი ფასი
რეგისტრირებული	I კლასის წერილი	0.05	48000	1.7	81600
		0.10	3000	1.7	5100
		0.250	3960	1.7	6732
	I კლასის მცირე პაკეტი	0.250	193	1.7	328.1
		0.500	1500	1.7	2550
		1	480	1.7	816
		2	192	1.7	326.4
	წერილი 12/12	0.05	96	2	192
		0.10	24	2	48
		0.250	24	2	48
	მცირე პაკეტი 12/12	0.250	24	2	48
		0.500	24	2	48
		1	144	2	288
		2	24	2	48
	ჰიბრიდული წერილი (ელექტრონული)	200	60000	1.7	102000
				ჯამი	200172.5

ამანათის სახეობა	წონა	რაოდენობა	ერთეულის ფასი	მთლიანი ფასი
რეგისტრირებული	2	24	1.7	40.8
	2.001-3	60	1.7	102
	3.001-4	24	1.7	40.8
	4.001-5	24	1.7	40.8
	5.001-6	24	3	72
	6.001-7	24	3	72
	7.001-8	24	3	72
	8.001-9	24	3	72
	9.001-10	24	3	72
	10.001-11	24	3	72
	11.001-12	24	3	72
	12.001-13	24	3	72
	13.001-14	24	3	72
	14.001-15	24	3	72
	15.001-16	24	3	72
	16.001-17	12	3	36
	17.001-18	12	3	36
	18.001-19	12	3	36
	19.001-20	12	3	36
			ჯამი	1160.4

საერთაშორისო საფოსტო გზავნილების გაგზავნის ტარიფები

წერილობითი კორესპონდენციის სახეობა	კონკრეტული სახე	წონა (კგ-ში)	რაოდენობა	ერთეულის ფასი	მთლიანი ფასი
რეგისტრირებული	I კლასის წერილი	0.05	960	7	6720
		0.10	24	80	1920
		0.250	36	80	2880
	I კლასის მცირე პაკეტი	0.250	24	80	1920
		0.500	24	80	1920
		1	24	80	1920
		2	24	80	1920
				ჯამი	19200

ამანათის სახეობა	წონა	რაოდენობა	ფასი	მთლიანი ფასი
რეგისტრირებული	2	9	220	1980
	2.001-3	9	220	1980
	3.001-4	9	220	1980
	4.001-5	9	220	1980
	5.001-6	4	220	880
	6.001-7	4	220	880
	7.001-8	9	220	1980
	8.001-9	9	220	1980
	9.001-10	3	220	660
	10.001-11	3	350	1050
	11.001-12	3	350	1050
	12.001-13	3	350	1050
	13.001-14	3	350	1050
	14.001-15	3	350	1050
	15.001-16	3	350	1050
	16.001-17	3	350	1050
	17.001-18	3	350	1050
	18.001-19	3	350	1050
	19.001-20	3	349.7	1049.1
			ჯამი	24799.1

მთლიანი ღირებულება

245332

შპს "საინფორმაციო კომუნიკაციების სისტემების" დირექტორი:
ნ. მენთეშვილი